

18.10.2022թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 498642/09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 13.10.2022 թվականի թիվ 35/57 վարչական իրավախախտման վերաբերյալ արձանագրությունը, քննելով թիվ վարույթը և կից նյութերը,

ՊԱՐԶԵՑԻ

«ՀՀ ԱՐԱՐԱՏԻ ՄԱՐԶԻ ՄԱՐՄԱՐԱՇԵՆ ՀԱՄԱՅՆՔԻ «ՄԱՐՄԱՐԻԿ» ՄՍՈՒՐ-ՄԱՆԿԱՊԱՐՏԵԶ» ՀՈԱԿ-ի տնօրեն Լիա Հակոբյանը (ՀՎՀՀ՝ 03802833, հասցե՝ Արարատի մարզ, Մարմարաշեն 2 փող. 31) ՀՀ օրենսդրությամբ սահմանված ժամկետում չի վճարել հարկերը, որի հետևանքով պարտավորությունները ՀՀ պետական բյուջեի նկատմամբ առ 26.08.2022թ-ի դրությամբ կազմում են 601.061 դրամ, որից 535.054 դրամը առաջացել է 2022թ-ի հուլիս ամսվա եկամտային հարկի հաշվարկից, որի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 170³ հոդվածով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացրել է դիմում առ այն, որ «Մարմարիկ» մսուր մանկապարտեզ ՀՈԱԿ-ի ֆինանսավորման աղբյուրը հանդիսանում է Մասիս համայնքի համայնքային բյուջեն և տվյալ ժամանակահատվածում ֆինանսավորումը համայնքային բյուջեից կատարվել է մասնակի, որի հաշվին իրականացվել է աշխատավարձային, արձակուրդային և հարկադիր պարապորդի հետ կապված վճարումներ մանկապարտեզի գործունեության ժամանակավոր դադարեցման հետ կապված: Եկամտային հարկի հաշվարկի և վճարման ժամկետներում մանկապարտեզի գործունեությունը դադարեցված է եղել և ֆինանսավորումը վերսկսվել է օգոստոսի վերջին, որից անմիջապես հետո սեպտեմբերի 8-ին իրենց կողմից կատարվել է հաշվարկված եկամտային հարկի ամբողջական վճարում երկու վճարային հանձնարարականներով:

ՀՀ Հարկային օրենսգրքի 33-րդ հոդվածով սահմանվում են հարկ վճարողների և դրանց պաշտոնատար անձանց պարտականությունները և նշված հոդվածի 1-ին մասի 1-ին կետի համաձայն հարկ վճարողը (հարկային գործակալը) և դրա պաշտոնատար անձը պարտավոր է օրենսգրքով այլ բան սահմանված չլինելու դեպքում Օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում ինքնուրույն հաշվարկել և կատարել իր հարկային պարտավորությունները՝ Օրենսգրքով և վճարների վերաբերյալ Հայաստանի Հանրապետության օրենքներով սահմանված դեպքերում և կարգով կատարելով նաև հարկի և (կամ) վճարի կանխավճարներ, իսկ համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելը առաջացնում է տուգանքի նշանակում:

ՀՀ Հարկային օրենսգրքի 158-րդ հոդվածի համաձայն՝ Հարկային գործակալները Օրենսգրքի 154-րդ հոդվածի 1-ին մասով սահմանված կարգով հաշվարկված՝ պետական բյուջե վճարման ենթակա եկամտային հարկի գումարները պետական բյուջե են վճարում մինչև հաշվետու ժամանակաշրջանին հաջորդող ամսվա 20-ը ներառյալ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Լիա Հակոբյանը 2022թ-ի հուլիս ամսվա եկամտային հարկի հաշվարկից առաջացած գումարը վճարել է ՀՀ հարկային օրենսգրքով սահմանված ժամկետից ուշ՝ 09.09.2022թ. (վերջնաժամկետ՝ 22.08.2022թ.), հետևաբար վերոնշյալ փաստը չի կարող վարչական պատասխանատվությունից ազատելու հիմք հանդիսանալ:

Միաժամանակ «ՀՀ ԱՐԱՐԱՏԻ ՄԱՐԶԻ ՄԱՐՄԱՐԱՇԵՆ ՀԱՄԱՅՆՔԻ «ՄԱՐՄԱՐԻԿ» ՄՍՈՒՐ-ՄԱՆԿԱՊԱՐՏԵԶ» ՀՈԱԿ-ի տնօրեն Լիա Հակոբյանի կողմից չի ներկայացվել համապատասխան ապացույց առ այն, որ ՀՈԱԿ-ին տրամադրվող ֆինանսավորումը եղել է ուշ, որը կարող էր սույն գործով քննարկման առարկա դառնալ:

Այն փաստը, որ Լիա Հակոբյանի կողմից իրավախախտումը վերջին մեկ տարվա ընթացքում կատարվել է առաջին անգամ, սույն գործով դիտվում է որպես պատասխանատվությունը մեղմացնող հանգամանք:

Նկատի ունենալով, որ արարքը նախատեսված է Վարչական իրավախախտումների վերաբերյալ ՀՀ օրենսգրքի 170³ հոդվածով և բացակայում են վարչական պատասխանատվությունը բացառող հանգամանքները, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի՝ Լիա Հակոբյանի նկատմամբ կիրառել վարչական տույժ՝ նշանակել տուգանք 10.000 (տաս հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



ԱՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեմարաններին. 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը: